



# CLASSIS DECIMA NONA.

DE

## QUORUNDAM Simplicium ex tribus regnis de- sumptorum præparatione.

### ÆS USTUM.

Laminæ cupri cum sulphure strati-  
ficantur, & comburuntur.

### ALOES LOTIO.

Aloes hepaticæ vel succotrinæ,  
quantum placet, pulverifetur, de-  
in solvatur in aqua pluviali calida,  
& colatura leni igne inspissetur.

### AMMONIACI GUM- MI PRÆPARATIO.

Gummi ammoniaci quantum  
placet, solvatur in vino generoso,  
coletur, & postea vinum leniter  
coquendo rursus evaporet.

Ad hanc normam præparatur

Gummi galbanum,  
Opopanax,  
Sagapenum.

### ASELLORUM, SEU MILLEPEDUM PRÆPA- RATIO.

Millepedum quantitas pro libitu  
sumatur, abluantur diligenter  
vino generoso, & mox in umbra  
exsiccentur.

Sic etiam parantur

Lumbrici Terrestres.

### BOLI ARMENÆ PRÆ- PARATIO.

Bolus armena lævigata eluatur  
in aqua tormentillæ, & decante-  
tur toties per inclinationem, do-  
nec arenulæ & fordes omnes in  
fundo remaneant, ablatâ aquâ in  
sole vel aëre siccetur.

Similiter convenienti aquâ paratur

Ceruf.

Cerussa veneta,  
Creta colonienſis,  
Terra figillata alba,  
Rubra.

## CANTHARIDUM PRÆPARATIO.

Cantharides aceto interfectæ â capitibus & alis ſeparatæ & ſiccatae ſerventur uſui.

## CHALCITIDIS PRÆPARATIO.

In vaſe terreo chalcitis aliquamdiu calcinatur, ut ſulphur, ſi quod inſit conjunctum, comburatur, & chalcitis facilius in pulverem abeat. In defectu chalcitidis ſubſtitui poteſt vitriolum hungaricum lento igne calcinatum.

## CHALYBS CUM SULPHURE.

Fruſto oblongo martis ſeu chalybis aded ignito, ut ſcintillet, optime admoveantur magdaliones ſulphuris, ſic liqueſcet mars inſtar ceræ, decidetque granulatim in ſuppoſitam aquam frigidam, deinde calcinetur in crucibulo, donec omne ſulphur deſlagratum fuerit, abluatur, ſiccetur, & pulveriſetur.

## CINERES CLAVELLATI.

Præparantur ex fœcibus vini, poſt ſpiritûs vini deſtillationem relictis,

per combuſtionem & elixiviatio- nem.

## COLCOTHARIS IN- DULCATI PRÆPARATIO.

Colcothar ad rubedinem calcina- tum, vel caput mortuum ſpiritûs vitrioli abluatur aquâ communi toties, donec omnis acrimonia & falſedo abſumpta fuerit, tum exſiccetur ad uſum.

## CORALLIORUM PRÆPARATIO.

Corallia alba vel rubra in ſubtiliſſimum pulverem redigantur, lævigentur lege artis ſuper porphyritem cum aqua borraginis, & formentur in paſtillos.

Sic convenienti aquâ paratur

Cornu cervi uſtum,  
Lapis ætites,  
Alabaſtrinus,  
Hæmatitis,  
Judaicus,  
Lazuli,  
Lyncis,  
Magnetis,  
Malachites,  
Nephriticus,  
Oſtiocollæ,  
Percarum,  
Spongiæ,

Margaritæ,  
Mater perlarum,  
Oculi cancerorum,  
Spodium,  
Succinum album,

Citrinum,  
Unicornu fossile.

### CRANII HUMANI PRÆPARATIO.

Cranii humani violentâ morte perempti, & ab omni immunditie liberati ac raspati pro libitu contundatur, & cum aqua liliorum convallium minutissime teratur, dein exsiccentur.

Tali methodo parantur

Cornu alcis,  
Rhinocerotis,  
Dentes apri,  
Hippopotami,  
Ebur sine igne,  
Lapides carptionum,  
Mandibulæ lucii piscis,  
Priapus cervi,  
Ceti,  
Tauri,

Tali leporis,  
Ungula alcis,  
Unicornu verum.

### ERINACEI USTIO.

Fit in novo fictili vitreato, usque dum in cinerem redigatur.

Hoc modo parantur

Bufones,  
Hirundines,  
Lepores martiales,  
Pilæ marinæ,  
Ranæ,  
Sericum crudum,  
Spongiæ marinæ,  
Talpæ, & similia.

### HEPATIS ANGUILLÆ PRÆPARATIO.

Fit unâ vel alterâ lotionem in vino generoso, sequenti dein exsiccatione.

### SANGUINIS HIRCINI PRÆPARATIO.

Hircus mediocris ætatis alatur per mensem pimpinellâ, apiò, petroselinô, malvâ, levisticô, chærefoliô, & macretur circa tempus canicularium, tum sanguis ejus ex arteriis fluens excipitur, ut congregescat, hinc aqueo ichore effuso grumi in furno exsiccentur.

### JECORIS LUPI PRÆ- PARATIO.

Jecur lupi vinô odoratô lotum exsiccentur in furno, & santalo citrino pulverisato inspergatur, atquè locô siccô asservetur.

### INTESTINORUM ET GUTTURIS LUPI PRÆ- PARATIO.

Ab omni pinguedine liberentur, & vinô lota exsiccentur.

### LAPIDIS CALAMINA- RIS PRÆPARATIO.

Candefiat in crucibulo, ter vel quater, & toties extinguendo in aqua plantaginis, tandem super porphyritem lævigatus eadem aquâ in pastillos redigatur.

Hac

Hac methodo cum appropriatis aquis paratur.

Lapis carneoli,  
Chrysoliti,  
Cryſtalli montanæ,  
Granati,  
Hyacinthi,  
Rubini,  
Sapphiri,  
Sardæ,  
Smaragdi,  
Topazii,  
Tutia alexandrina.

### OCULORUM CANCRO- RUM NUTRITIO.

Oculorum cancrorum crudorum pulverifatorum quantum lubet, inſilletur ſuccus citri ad ſaturationem, tum in umbra rurfus exſiccantur.

### PULMONIS VULPIS PRÆPARATIO.

Pulmones vulpis recentes, exemptâ priùs aſperâ arteriâ, in vino albo cum hyſſopo & ſcabiola coquantur, & in furno temperatè calido exſiccantur.

### SCILLÆ SEU SQUIL- LÆ PRÆPARATIO.

Scilla magna recens, rejectis aridioribus tunicis extimis, paſtâ pa-

nis involvatur, & in clibano ad panis ſufficientiam coquatur, exempta, & in laminas diſſecta filo trajiciatur, ita ut una lamina alteram non tangat, & loco ſicco ſuſpendatur, donec exſiccata fuerit. Notandum: ad diſſecandam ſcillam ferreum cultrum non adhibendum, ſed ligneum, eburneum aut oſſeum; panis ſtatim ſine uſu abjiciatur, ne ſumentibus noxam pariat.

### TEREBINTHINA COCTA.

Sumatur terebinthinæ claræ quantitas ad libitum, coquatur in aquæ fontanæ ſufficienti quantitate ad ſpiſſitudinem, ſeparetur ab aqua, & ſervetur pro uſu pilularum.

Tali proceſſu etiam paratur

Baſamum copaivæ.

### VIPERÆ VIVÆ PRO JUSCULIS PRÆPARA- TIO.

Vipera ex italia allata, priùs virgulâ caſa exacerbetur, ex poſt abſciſſâ caudâ & capite pellis detrahatur, exenteretur, ſpina optimè abluta & concifa pro juſculo adhibeatur; axungia, hepar & cor ſeparatim ſerventur pro ſpeciali uſu.

